

中華郵政特准掛號認爲新聞紙類

每月三期逢一日出版

民生救國

中華民國十一年三月十一日

第二十六期

▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

▲本社啓事一


本報除指定各機關外如承各界購閱者請先將報費郵寄或專訂以便按期寄送

▲本社啓事二

本報每月出版三期如有願登廣告者價極從廉用表歡迎價目表填附册尾

▲本社啓事二

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛



目錄

●論說

余之民團聯合會觀（見本期國內要聞欄）

●國外要聞

華會各案實踐問題

華會成績之日人觀察談

杜威博士論門戶開戶

日本對華之新方針

●國內要聞

民團聯合會發起之先聲

膠濟路之善後問題

目錄

國人應注意山東鹽田

東省外交雜訊

徐總統解決時局之通電

●來件

中國與南洋經濟上之大連鎖

(朱鏡宙)

●談叢

警衆感想錄

萍廬詩話

靜照軒詩話

●雜俎

景山遊記

(張晉福)

●遊戲文章

悼燕文

新中庸

●瑣聞

部令調查軍隊數目

招開警政會議

松江林業公司開股東會議

法校正式上課延期

電燈廠訂購鍋爐

方正旗產經租處經理易人問題



目

録



五



論說

●余之民團聯合會觀（見本期國內要聞欄）

吾國自改建共和以來飄搖風雨險象環生內憂外患相逼日甚蚩蚩者氓未沾衽席之福反深水火之殃袞袞諸公之爭權奪利固不能辭其咎而吾民自拋監督之權僞作痴聾亦難有卸其責者顧廷林有言曰天下興亡匹夫有責自古猶然於今爲烈况共和國家主權在民者乎是故欲謀民意之伸張不能不以一定之機關以爲表示此民團聯合會所應發起者一也自治潮流舉國風靡政府爲時勢所趨亦有試行之政令然而能否著有成效端在國民之自動究竟如何進行國民實未曾有共同之研究查自治事業關係國本必須集全國民衆討論方法方謀進行以收集思廣益之效庶不致遺譏國內騰笑與邦此民團聯合會所應發起者二也華會告終世局豹變各國咸棄其贖武之心而力擠於和平之途人文進化勢必加速我中國應此潮流所有與

革事宜及教育實業一切要政亟應切實振作共籌應付之方此民團聯合會所應發起者三也我國地勢廣遠山川隔絕國民每因隔閡致滋誤會此後若非有適當之機會時常交換意見融洽感情必致變統一之局而爲割據之勢國勢前途尙堪聞問耶此民團聯合會所應發起者四也本此四大理由是民團聯合會在今日已爲刻不容緩之要圖今各省區旅京之重要分子本諸熱忱毅然發起民團聯合會設總部於北京以爲逐漸推廣之基非卓識爛見憂國心殷曷克臻此惟望海內明達之士繼起直追勿任此偉大事業於以墜落是則記者所日夕馨香默祝者也



國外要聞

●華會各案實踐問題

日本外務省不日將公布關於在中國國內之外國無線電報之華府會議之經過及決議其概畧（一）關於電浪者由各國專門家與交通部協議之後決定之（二）未得中國政府之合意而遽行建設之無線電報設備俟交通部能為一般公眾之便利起見得充分運用無線電報時交還中國政府而由中國政府給與公平之賠償東京朝日新聞報告關於是等問題之日本政府之意見曰日本政府部內主張自今以後當首先為中國促進華府會議之條約決議之澈底實踐但必須以中國政府先為條約決議之忠實履行者為條件日本方能實行其所持之方針故當首先勸告中國政府應以廢督裁兵為急務即就於其實行所需之經費日本亦有幫助中國籌備之決意云

華會成績之日人觀察談

華盛頓會議業於二月六日宣告閉會其所獲效果如何誠有注意之必要據大阪每日新聞華盛頓特派員來電觀察華盛頓會議之結果頗有一顧之價值電云華盛頓會議自開會以來經過八十六日之會議至二月六日始告閉會其成績有(一)四國協約(二)日本本土除外條約(三)海軍條約(四)潛水艇毒瓦斯條約(五)九國條約(六)中國關稅條約等六種條約及十四種決議十種宣言更有副產物之關於耶普島之美日與中日山東條約今日最得意者爲美國全權代表許斯氏六日接見新聞記者時笑容可掬得意滿然而英國全權代表等於會議之結果亦極言其成功法國全權代表因受外部種種批評與致因甚蕭索然其對於會議之成功亦與英國全權代表同其意旨也至於日本全權代表當會議開幕之初各國對於日本之政策均以疑惑之眼光視之者至今日之結果則其疑慮已釋故如釋重負者然此各國全權代表之大畧態度也夫會議至於今日實際上之事業已完今後當入於回顧批評之時代其批評之第一着當在美國參議院大總統哈丁氏已預備將已經簽字之各條約提出參議院(按條約均已於十日提出參議院)據紐約循環報云大多數之美

國人均望參議院速行批准故各條約結局必能批准無疑也蓋華盛頓會議所簽字之各條約不特與凡爾賽和約異其性質而美人之心理亦與一九一九年頃完全不同已信欲改造世界美國非出場於國際舞台不可從而參議院對於各條約必能與以批准實無容疑者惟於批准論戰之時會議之裏面失敗缺陷等當然亦由是而逐漸暴露耳蓋因華盛頓會議在重要之點固已告厥成功而其失敗之點一般人亦皆承認之也美人中尤於共和黨員爲甚概主張會議由大體上言實爲成功並列舉下列各點以證美國外交之大成功焉卽第一增進英美之親善第二減美日戰爭之危險第三擴大美國遠東貿易之機會第四確保中國獨立已畧成功至於中國問題在中國方面固認爲大失敗然而多數美人則謂此次會議爲中國已盡其所能盡以後惟有中國自身好自爲之而已但華盛頓會議對於西伯利亞問題未能積極討論則美人亦認爲大失敗而赤塔政府代表致許斯氏之書面中亦謂俄國獨立之確保前途尙屬遼遠日本雖屢次聲明撤兵迄未實行毫不足信等語但美國方面之見解則與此不同據紐約世界報之李浦曼氏之言會議對於中國問題之解決不能謂爲失敗蓋會議之結果遠東太平洋方面之猜疑與威脅已暫時消聲匿跡而日本之誤謬

的軍國的帝國主義亦已因而暴露也云云此實可爲美人之代表的意見者也日本於此次會議已與美國謀得諒解且太平洋之戰爭原因亦已減少自不能不謂爲成功惟日本對於中國及對於俄國不特不能除去爭議與疑惑之禍根且亦未能除去歐洲人對日本之亞細亞大陸政策之疑惑日前紐約泰晤士報謂日本之頑固態度各國已漸感不滿足證歐美人對於日本皆抱有不歉之感情也此外尙有須注意者卽會議之結果哈丁氏之國家聯合案已完全絕望是也查哈丁氏曾屢言國家聯合必產生於華盛頓會議嗣因許斯氏反對此事而參議院亦有反對之勢故遂不能成爲會議之議案但無論如何美人將來之世界政策必當以此次會議之結果爲其出發點惟美國孤立此次會議未能完全決定其應打破與否爲今後此種問題必有注意之價值也

●杜威博士論開放門戶

華府會議所議詳情多數新聞紙中並不盡載讀者度亦無幾查一月十八日太平洋與遠東問題委員會之報告中有幣原與休士二氏之言足以灼知開放門戶問題爲國際爭辯源流矣幣原反對第四條卽追查一般租地之不許列國在貿易上得均等

藥會者彼之反對謂新草約中所列有關開放門戶之原則實與一千八百九十八九十九年間所定之開放門戶政策完全不同性質上實爲新定者休士氏則答謂研究海約翰氏當年所主張之開放門戶政策曾得日本與其他各國同意者以今日所定原則參閱之實彼此相同者也雙方相爭之點果安在乎幣原謂各國所共同施行之開放門戶政策在限於一範圍一區域之內而海約翰之開放門戶則僅謂凡各國之在中國有勢力範圍或租借地者不得干涉通商口岸或法定利權亦不得於關稅或鐵路碼頭之徵收上分等差云休士氏之答詞則謂不願於開放門戶一端作精密之言論然在一千八百九十九年美國國務部新發出之通告中明言美國不能承認任何一國有控制中國之特殊權利此雖不載於約中亦足表示美國政府之態度亦明指各國之在中國者無論有無勢力範圍皆不得獨占工商業之權利也一千九百年法國政府表同意於此寬大之原則謂願見中國開放以供世界作經濟活動故亦願附和美國之建議云云一千八百九十八年與一千八百九十九年日本與英國亦先後有同樣之答語現今日本與美國爭持之點頗爲明晰美國但知開放門戶在使各國在中國享工商業上均等機會反對壟斷與租地等事日本則謂但知開放門戶

之原則係各國在通商口岸關稅鐵路稅等平等並不加干涉而並不禁止擴充租借地或壟斷中國工商業等幣原之實言原亦有故日本之背此政策已不勝指摘如在滿洲之於鐵路銀行行政上之所爲已破壞開放門戶原則之一端彼殆自謂未嘗贊同各國在中國享工商上均等機會之原則故破壞開放門戶政策亦不爲罪也此種爭論美國人士已知其爲一種外交方法彼等但欲示本國以外交勝利故不恤一意孤行致引起國際間之惡感今雙方亦無何等剖辯模稜未決夫華府會議之所以有太平洋問題一部分者蓋在解決遠東爭點以免戰禍之發生幣原與休士之爭卽足揭示美國與他國爭辯之根本原因而以日本爲尤美國人民其果能在中國市上與他國同享均等之機會乎無論對於中國郵局海關治外法權等項有何成就而日美衝突之主因仍在必須俟開放門戶政策規定一真意義而後已苟使日本容納新約則所獲實多也

●日本對華之新方針

日本對華政策向以利用一黨一派爲惟一方針故年來中國內部之爭其背後殆無一事無日本者因此惹起列國之猜疑而中日兩國之感情亦日趨冰炭自華盛頓會

議通過九國條約後日本鑒於世界大勢遂有對華守嚴正中立態度之意日前曾非公式表示其今後對華方針頃據大阪朝日新聞東京電話云列國之對華政策將以華府會議所產生之條約決議爲圭臬乃當然之歸結日本政府爲適應時勢亦擬於此際更新其對華政策別開生面以九國協定爲對華外交之樞紐專致力於促進及誘導中國文化之發達最近已根據上述旨趣確定新方針並對各機關頒發訓令今後對華一切事項均照此方針行動凡副此目的者則助長之反是者則排除之務期澈底做到其內容固極爲秘密無由探悉但據所聞似包括甚廣凡事項均有所規定而其主旨則以澈底實行九國協定爲最要爲達到此目的起見從來之因緣情實皆置諸不問其爲何國如破壞協定或違反其精神者必排除之且率先對於新政府之實現與以方便並努力以造成此種環境是故爲實施新條約決議事項而不日成立各種委員會亦擬務必任命有爲之人物爲委員使其參加委員會致力於實行新方針以上各事刻聞均在準備之中其首先着手者卽爲最後移居天津日本租界之段祺瑞氏之對付問題倘段氏有借該租界爲政治的陰謀之策原地之舉動是爲新方針不能相容者故當要求其退出租界又中國軍閥派之爭執萬一至破裂之時日本

亦必與列國共同要求限定區域以減少慘禍云云

又據大阪每日新聞東京電話云段祺瑞氏之潛赴天津係有某國人二名之援助改裝道士由北京乘汽車至郎坊由郎坊改乘火車至天津住在天津日本租界妹婿無光新宅中現日本政府以段氏遁入日本租界如惹起列國疑惑於始終持中立態度之日本對華政策不無影響故經過閣議之決定發電訓令北京公使館及天津領事館令此際僑華日本官民特加注意務期不受於段氏行動有關係之疑惑始終執慎重態度且今後對於段氏一派之行動宜加以監視若有在日本租界內爲政治的陰謀之舉則當斷然要求其退出云云按此次日本表面上之態度固甚公正惟日本外交向有軍閥與外務省兩派世人稱爲二重外交此次對華方針能否不再陷有二重外交之弊吾人尙不能無疑耳

國內要聞

◎民團聯合會發起之先聲

聯合通信社云目下國步艱難各省民立機關往往各行其是尙無一種偉大之團結力茲有北京福建浙江湖南及各省區重要份子百數十人發起民團聯合會擬於月內先設總部於北京設分部於上海再行徵集同志推及各省所有組織大綱草案照錄如下(一)中華民國民團聯合會組織之公約第一條本聯合會定名中華民國民團聯合會第二條本聯合會以發皇民治增進國力爲宗旨第三條本聯合會以左列民團組織之(一)議會(二)教育會(三)商會(四)農會(五)工會(六)律師公會(七)銀行公會(錢業公會)在內(八)報界聯合會(九)學生聯合會(十)各國留學生總會(十一)華僑聯合會(十二)其他各項公會(以地方習慣公認並經各該地聯合會審查會審查合格者爲限如地方自治會地方公益會各地同鄉會及不屬於他

團體範圍之會社等）第四條本聯合會議事權依左列分配之（甲）上海北京廣州漢口天津各二十權其分配法由各該聯合會臨時協議定之（說明）此五大都市在中國文化上經濟上人口上皆占有特殊之地位故在各該省區之外獨立列爲一組（乙）省各二十權分配如左（一）省議會四權（二）教育會商會農會工會各二權（三）律師公會銀行公會報界聯合會學生聯合會各一權（四）其他各項公會共四權其分配法由該地各民團臨時協議定之（說明一）本公約以省議會爲代表地方民意機關其權爲重各項團體爲專門特設機關其權次之其他各公會爲地方習慣組合機關其權又次之惟使各方面之民意一概表現本調劑之精行庸尊重之意義如每人有代表二權以上者應先由該民團書面聲明之（丙）京兆察哈爾熱河綏遠各十權蒙古西藏青海川邊各五權其分配法由各該區域臨時協議定之（丁）國會十權各國留學生總會各一權華僑聯合會四權第五條本聯合會以總權數之過半數到會始得開會到會過半數之議決始得執行之第六條本聯合會每年開常會一次遇必要時得臨時召集之其日期及地點以比較多數之同意決定之第七條本聯合會議事細則另宣之第八條本聯合會經費依各民團之議事權數分擔或募集之

第九條本聯合會公約由二十權以上之提議經大會之議決得修正之附則第十條各省區或都市得設民團聯合會名曰某省區或某地民團聯合會其組織法由各該會自定之第十一條各縣得設民團聯合會名曰某縣民團聯合會其組織法由各該會自定之第十二條依第九條第十條規定各地方民團聯合會除有特別情形外皆須有第三條六類各團體以上共同組織者得成立之但成立時應報告中華民國聯合會第十三條各省區民團聯合會之會議遇必要時各縣民團聯合會得加入之其議事權由各省區民團聯合會自定之（說明二）本約附則規定各地方民團聯合會對於中華民國民團聯合會係採聯合之性質非隸屬之機關以獨立作用之中仍有共同互助之意且全國民團聯合會之議事權在各地方民團聯合會未成立以前依公約第四條之規定得由各民團單獨加入並不受各地方民團聯合會之拘束但第十二項其他公會不在此限（二）中華民國民團聯合會組織之聲明（一）全國民團聯合會與現在成立之國民外交大會及商教聯合會發起之團是會議性質絕不相同該兩會爲應時勢之必要特別組合中華民國民團聯合會係永久常設機關議事範圍毫不限制閱者幸勿誤會（二）各地方民團聯合會採國民自動的方法自由

發起如荷贊同即請就地組織並通告各省區各民團以便周知(二三)吾國一切事業往往由少數人壟斷把持積習日深黑暗愈甚中華民國國民團聯合會組織法本全民參政之精神容納各方面之意見調劑折衷分配公允既無黨系操縱之嫌又無普通結社偏重之弊務請閱者特別注意

膠濟路之善後問題

交內財農四部會銜呈請大總統以明令認膠濟路爲民有各節業誌前報頃得原呈照錄於次呈爲籌贖膠濟鐵路擬請接收後仍歸民辦並規定籌存款項辦法以順輿情而資考核仰祈鈞鑒事竊膠濟鐵路之敷設緣起於膠州條約章程內雖有招集華商德商股分之規定惟其時國民無投資者嗣由魯省酌籌官款購股數亦僅十二萬兩有奇比較德股止占二百分之一當然權不我屬歐戰開後日人佔據青島膠濟一路遂由其管理數年來魯省人民及各界士紳因利害所關相與奔走呼號一致以收還該路爲主旨本年太平洋會議我國代表在華盛頓與日本代表因此問題爭持未決經交通部迭電代表主張現款收回並經交通部於一月寒日二月東日兩次通電全國擬將該路歸爲民業由人民籌款贖回自辦旋准各省督軍省長先後通電擔任

鉅款已過半數各省紳商人民組織機關分認籌款者甚衆風聲所樹踴躍輸將具見國民見義勇爲熱誠愛國現准華會三代表電稱膠濟鐵路交涉業經英美調停簽定由我國用國庫券收回除一切交涉情形由外交部另案呈明外查該路收回原以國家名義第款由民籌則路歸民辦於義甚正仍與華會簽定辦法不相抵觸抑就此時機可以實現政府民業鐵路之提倡復養成人民經營新業之能力擬請大總統俯准將膠濟鐵路收回後仍歸民辦永爲民業以順輿情至人民籌款辦法自應由人民指定銀行專款存儲並由各該商會負監督之責任此款專爲贖路之需無論何人何事不得騰挪提用總期投資者得穩固之保障而終歸於確當之用途各該銀行亦應將收數隨時報告官廳商會俾資考核此案業經提出國務會議議決衆意僉同所有籌贖膠濟鐵路擬請接收後仍歸民辦並規定籌存款項辦法緣由理合會同呈請大總統鈞鑒明令公布施行再此案係交通部主稿內務部財政部農商部會銜未及會印合併陳明云云

膠濟路定爲民業經閣議通過後內財農教四部並曾具呈總統請以明令發表茲據公府消息此項明令業經擬就內容約二百餘字畧謂膠濟路業經華會議決贖回自

辦所有交涉經過及簽字情形均經外交部通電宣布立案關於籌款贖路辦法至爲重要積應切實進行現據內務財政農商交通四部呈請將該路定爲民業並請頒發明令以昭慎重後據交通部呈稱該部對於籌款贖路辦法發出兩電之後各省覆電對於籌集款項甚願踴躍輸將等語先後續據江蘇督軍齊燮元全國商會聯合會條陳集款贖路辦法計畫周詳具見上下一心深堪嘉尙膠濟路既經民間籌款自辦着卽定爲永久民業以符名實至民間所集款項應指定妥實銀行專款存儲並由各該處商會切實監督而各該銀行於收到路款亦應隨時報告各該處官廳商會以資稽核庶幾款不虛糜事能迅舉路權永固民業日昌此令云云並聞該項明令一俟稍加修正今明日卽可發表云又政界消息當局因膠濟路綫瞬將接收關於該路營業收入之各種簿記與沿綫各種建築物均須事前確查以作根據昨日外交交通兩部曾有一度之會議探其結果先行著手將該路在德人經營時營業之概況與日本接收後之情形事前詳爲調查以便接收之時一一按數核稽其各站之建築物如站台候車室水道等亦須先行繪具圖說其他關於管理各項亦須特別注意列入調查目中云

●國人應注意山東鹽田

魯案解決膠濟路可以備款贖回國人雖正竭力奔走但餘事毫不過問將來恐不免發生極大糾葛蓋自日本強佔青島以後該國無信用之實業家在本國無可活動聞我國鹽業之有利則羣赴青島擴充鹽田之營業設立種種公司名目招股在百萬以上據知其內容者所談此種公司大半掛一招牌並未實行經營鹽田我國倘出價贖回殊實不值國人對於一切問題從無精密調查即山東人之熱心魯案然對於鹽田等項之內容如何亦未研究當我國派代表赴該會之時專門委員中竟無深悉鹽務之人亦可證國人之不注意矣又據由青而來京之某君云日人經濟之青島鹽田年來頗為發達以故沿膠濟各縣私鹽充斥刻青島交涉已經簽字是項利權應早日備價收回現聞有魯省鹽業界高張李諸家連日在濟南計議擬集股將鹽田收回自辦以維利權云云

●東省外交雜訊

△俄敗黨入境之對付辦法 奉函張巡閱使日前接准黑龍江督軍著來電報告謂俄國新舊兩黨又在歲南開仗舊黨兵敗有由黑河沿邊竄入我國境內者請示辦法

張使當即電復迅速派遣軍隊在要隘防堵毋任竄擾如入我境者即行卸除武裝妥爲安置如不聽從即以相當之手段對待並請將俄亂之情形隨時報告以憑查核云

△日人投資南北滿之進行 日人近來在南北滿一帶經營實業所投資本甚巨並不時詳加考察宜於何種之投資現有該國常駐美國加州之中央農會長千葉豐治來南北滿一帶調查產業之狀況業已多日並報告該國人士謂北滿宜牧羊及種小麥奉天南滿宜種菓樹現已由奉回美矣將來在加州投資之日人必轉移而投資於南北滿云

●延邊締禁朝鮮民會 瑋春函云縣屬不逞鮮人近月以來假借聯絡團體名義設立朝鮮民會強迫韓人註冊入會分爲三等按戶勒捐凡屬韓民買賣地畝戶口遷移及收穫糧石均令赴會報告民刑訴訟亦令赴會起訴該會公然受理出狀傳人並有委任私塾校長教員情事儼如兼理司法之縣知事公署種種情形荒謬已極日前經當地警察搜出該會捐金表冊傳案訊供狀委任校長教員狀失物招領函及各項簿據種類甚繁由縣轉呈延吉道尹公署出示締禁茲將原文照錄於下案照前因延吉等處朝鮮民會有強迫我境墾居韓民入會情事曾經布告締禁在案茲查瑋春頭道

溝等處朝鮮民會竟有分等勒捐按戶強迫舉動經當地警察搜出各項簿據內捐金表冊傳案訊供狀委任私塾校長教員狀失物招領函等件竟敢侵犯官廳實屬荒謬不法已極除已由縣責懲外該處民會既有此種不法行爲其他當亦在所不免合亟布告凡境內華墾人民如查知各該地方朝鮮民會上列各項情形者應卽報告就近警察轉報到道以憑核辦此布

●徐總統解決時局之通電

時局牽延不決總統擬發通電聲明用梁去梁全係個人意見既非某方所擁戴亦非某方所推倒藉此以解決北方兩大體面問題茲得其全文照錄於下各省巡閱使督軍省長護軍使各區都統鑒近歲以來統一未成百政牽滯國勢岌岌不可終日而財用匱竭尤爲眉睫之患彼時靳前總理陳情乞退本大總統深維時局艱棘因特提梁士詒以代其任乃該總理就任未久羣議繁興一再引疾遷延累月中樞進退皆屬大總統之職權責無旁貸而本大總統於人才進退之際內維責任之所在外審時勢之所宜但期有利國家初無絲毫成見所幸太平洋會議期內內閣雖屢有更迭而對外政策始終一致以圖貫徹並經國民之呼籲代表之磋商各友邦之贊助以有今日之

成議現在會議告竣我國提出各案粗經議定此後成敗利鈍視夫國人奮厲之精神而挈領提綱仍在政府前此會議席次外人屢以我國無強固政府爲言今外交已就端緒政府尙在虛懸當此千鈞一髮之時宜有甚後懲前之計及今不圖時不我待此後刷新庶政端賴有繼續任之強固政府至於振飭紀綱督促進行則本大總統一日未卸仔肩職責所在不敢不勉邦人君子軫心國難尤爲以愛護國家者愛護政府俾可振興百廢力圖發展內外一心悉祛隔閡然後可以挽茲危局杜人責言以維國家於不敝抑更有進者天下大勢利靜而不利於動而望治厭亂尤爲人民心理所同能體全國之民心則邦本以鞏人才最附本大總統衰老不足有爲而誠心待人公心接物尙可共白於天下一時之毀譽無足憑他日自有公論所望我內外文武同僚平實說理堅苦任事務其遠大貫以精心古今之大事業未有不從腳踏實地而成者時會雖極混莽公道猶存天壤本大總統視我文武同僚及全國人國無不親若家庭憂如手足賢者能者固必欽之敬之卽所弛之才亦必推之挽之以期納於正軌初無厚薄輕重於其間也時事日亟運會日新有能謀畫統一奠安全國者願爲我正告焉其必虛衷以聽之云云



來件

●中國與南洋經濟上之大連鎖

朱鏡宙

吾國一九二零年對海峽殖民地之總輸出並香港之間接輸出計之共二萬萬零四百五十餘萬元而其中屬於香港者約超過五倍其原因（一）香港與新嘉坡間之航線較上海至星嘉坡者為發達平均每星期約可得三艘船隻既多水脚自較便宜（二）南洋華僑多係閩廣人故一切貿易均以閩廣人所經營為多香港為吾國南方惟一口岸且係自由貿易港以故閩粵輸出入皆以香港為總樞紐世之言經濟者每不能離乎人口而貿易之盛衰更與人口有密切關係蓋購買力之強弱全以人之多寡為正比以上僅舉海峽殖民地一埠言輸出入之數已年達二萬萬三千八百七十餘萬元之多則吾國與南洋經濟關係之重要與其密切已可想見以人口言無論為荷屬為法屬為暹羅吾華僑均占半數以上吾人苟欲擴充海外貿

易者舍南洋其誰求之倘南洋華僑能與內地商界互相携手通力合作使吾國與南洋結成一經濟上之大連鎖應嚮於國家前途寧有涯涘豈僅區區聯絡感情發展對外貿易已哉吾商界不乏明達之士想已早見及此徒以內外情形隔膜每苦無從着手比年以來吾華僑感於外力壓迫之苦痛時思有與祖國商界聯絡進行之必要如爪哇華僑迭有組織中國南洋航線之提議菲律賓華僑亦時有此項主張見之報端今新嘉坡總商會更有徵求出品之舉吾國內商學界倘能利用此大好時機進而爲商業視察團之組織考察南洋各島市場之需要並介紹國內商況以期發展海外貿易一方與華僑研究種種方法務使中國與南洋間之經濟問題互相結合成一大連鎖使兩方關係能由此愈趨而愈密愈久而愈固同時更進而謀南洋各島華僑與華僑間經濟上之大連鎖使彼此易於呼應不致受外人之控制此皆鄙人無窮之願望而深賴先生等之登高一呼以資提倡者也至若航運機關金融機關保險公司等皆吾所認爲經濟連鎖中之要件三者缺一不可尤望三注意焉總之政治聯絡易招猜忌教育目的望其自立惟此經濟上進取無論何國何時皆不能加以非議且其關係能歷久而彌深終致顛撲而不可破日本年來南洋視察者之相望於道絡繹不絕殆

以此歟抑又有進者年來以提倡華僑回國投資之結果頗有引起一種誤解傾向之虞卽爲華僑中有以祖國優待投資之故而盡變其產業移家回國是也此種事實在不平等待遇與產業不振之今日南洋更易觸引吾已數四親見其人矣姑無論斬荆披棘千辛萬苦而得之地位決無於成功之日棄而不顧之理卽以中國今日人口密度之高而論獎勵移殖尙恐不暇安可反其道而行之張乾若先生頗關心僑務曩晤於京師嘗謂此種無形應響之結果將使南洋吾華僑固有之地位僅留皮骨其言實深可味鄙意以爲吾人對於華僑回國開放實業當然表示極熱切之歡迎顧所謂歡迎者歡迎其以餘資啓發中國之實業藉免外人之覬覦而一方對於南洋固有之地位仍望其保持勿失且須努力發展厚其實力靜待時機以期獲得前途無限之光明此亦深望海內時賢於提倡之餘加之意焉

來

務



四

談叢

警衆感想錄

吾人生天地間無論士農工商均貴自立能自立然後能致富能致富然後能自強否則終歸淘汰而爲亡國之奴更何能立於歐風美雨之中而與列強相角逐耶

吾人無事可作便睡覺吃飯去何必害人何必慰一己之無聊以害人天下事平心一想所謂英雄事業除造福國民外無一事不可笑可恨

天下無必成之事而有必敗之事治事者量其事之必成而後爲之則終無一事之可治若量其事之必敗而敢爲之則治事亦更何取也

吾人處世治事不能不與社會相接觸而亦未必能盡如人意於是有一二忌之者起攻訐詆譏不遺餘力當其事者遂心灰氣沮邑邑不可自聊願我以為不必也蓋吾人有固有之良心在盡職與否第質之固有之良心可也

吾人望小規模之改革甚於大規模之改革猶之受諫言於賢明之忠告者不如受諸

尋常人之爲愈也

常視他人之休戚爲己之休戚而不去懷者仁愛之道也徒言仁愛而不行者斯賤丈夫而已矣

天下之大得百自了漢不如得一熱腸人自了漢只知自己不知有人而斯世斯民何所倚賴熱腸人隨地必期於世有益有此熱腸然後可以言措施言利濟於一己之得失反覺無足介意

凡作事必有阻力亦必有助力量其小則阻之小其事大則阻之大然其阻力之中乃胚胎一助力焉何以故凡人之見阻力來也必煩惱之危險之不知種種煩惱無非鍊心之助種種危險無非鍊胆之助故入一步逆境如入一學校見一分阻力如得一畏友吾人辦事當如起程之船乘風破浪則可若畏風避浪不敢動輪則不可苟因循畏縮則天下無一事可辦辦之亦無一事可成

萍盧詩話

舜之論詩也則曰詩言志歌永言聲依永律和聲孔子之論詩也既曰不學詩無以言又曰詩可以興可以觀可以羣可以怨邇之事父遠之事君多識於鳥獸草木之名其

蔽三百篇也則曰思無邪其於師弟之問答也於子貢問貧而無諂所答如切如磋則稱其可與言詩於子貢之舉巧笑倩兮所答禮後乎亦稱其可與言詩噫舜孔之論詩也何其與後人相逕庭哉龔璣人曰自周而上一代之治卽一代之學也王若宰若大夫若民相與以有成者謂之治謂之道若士若師儒法則先王先冢宰之書以相講究者謂之學師儒所謂學有載之文者亦謂之書是道也是學也是治也則一而已矣旨哉其言乎故知上世之爲學也學卽其治上世之爲詩也詩卽其人詩亦知其治此所以有采詩官之設及瞽者獻樂也後世矯揉造作風雲月露取其華而遺其實去其裏而攻其表學者既有所謂書魔矣既有所謂書生無用矣而詩也者又安能德足以求其志聞樂而知其德哉治與學旣分詩與人相異能修身正情以致詩所學學所治者蓋自孔子而下已爲之誨塞久矣故李空同恥元白皮陸之徒有如入市攫金登場角丑謂其不能爲愚智之大防莊諛簡侈浮孚之界分而宋之問爲人浮燥其爲詩乃幽靜深邃不獨俊整有絕不似其爲詩者談塵亦云詩之氣一代減一代古厚而今薄是以不如老嫗樵子信口所發之爲可傳也若是者是安得不取程子讀書爲玩物喪志書生自命爲文人一生便了之譏耶三西莊云所謂詩人者非必其能吟詩也果能心

境超脫相對溫雅雖一字不識真詩人也如其胸境齷齪相對塵俗雖終日嚼字連篇累牘乃非詩人也是矣前清袁枚主持詩壇數十年雖論詩不達到極底而獨標情字固亦已有情之效得性之靈矣而今即就詩論詩不觀其人於清詩若張（九鉞）尤（西堂）王（漁洋）洪（亮吉）趙（翼）諸家外固欲推隨園所謂詩非所長之鄭板橋溫柔敦厚雅得性情之正爲不失詩之本教

靜照軒詩話

已未歲暮鄭海藏先生序唐元素司馬涉江集曰鐘磬管籥聲從其器而各有其至詩之于人也亦然世之無詩也無其聲也無其器也制器以定聲則詩人之爲己詩人之生于世其生也或險或夷其遇也或亨或陋其行己也或宏或隘其用情也或肆或鬱得於天者半得於人者亦半器就而聲成蓋若是其難也自宋以降治詩者不於其人而於其詩猶無其器而尋其聲吾卒未見其有合也涉江道人之詩不甚爲詩學所囿而莽蒼博詭任心而游探喉而滿其器操於人而聲賦於天者乎集中若讀神異經若效古古風古人變歌飲酒諸篇庶幾所謂其極至者漸離之擊筑歟雍門之鼓琴歟吾惡得而名之



雜俎

景山游記

張晉福

景山都城之一名勝也山無名以土堆成相傳前代皇家藏煤於此而備不虞人因稱之曰煤山辛酉霜降前二日徐企唐望之二姻兄約與同游進北上門行數武即進重門門額曰景山其後爲殿曰綺望樓殿後隆然高聳者卽是山也山作筆架形上列五亭瓦蓋金碧高下參差完好如故一若王氣猶未被銷沈也者遂循山麓而謀登臨迄其東端望之指一槐樹曰此明崇禎帝自經之所也樹老態醜下幹枯裂僅聯以皮如二股狀一枝偃僂東向而垂其向西一大枝猶葉茂而色碧聞前清曾繫鉄鍊於分股處以誌哀悼而示將來望之曾登是山不欲往約待於山之西麓余迺與企唐隨路迹之高低盤散而上至第一亭亭中空存方形佛座而已遠眺亭外都城樓臺市廛已收眼底山多白皮松葉針細碎如畫上第二亭所見益遠更上爲最高之正亭中供銅佛

一左缺手而右缺臂冷然危坐面永定門譙樓於煙雲杳渺間若正陽崇文宣武朝陽阜成東直西直安定德勝各譙門尤可望而指數憑欄四顧東則夷樓崔巍眈眈呈睥睨態西則瓊島古塔孤立夕陽中頽喪若睡北則地安門車馬奔馳絡繹如織大都爲名爲利忙碌一世者其南殿宇櫛比沉沉靜伏是即神武門內宣統帝常年蟄居作小朝廷日夕望遺老之來朝也徘徊移時姑向西而下望之已抱膝坐第五亭階以待於是同赴壽皇殿循階而升瞻仰廟貌爐內存殘餘之香灰縷縷然殿側矮屋前閒坐太監二問之則曰殿內爲聖皇聖母九月九日皇室猶來上祭也折回出壽皇門門前牌樓三仰瞻匾額東曰繼序其皇西曰舊典時中曰昭始惟馨向甬道南行而回顧其額曰顯承無斁正對景山之陰茂樹荒草亂雜而爭榮平日無人來徒供蚍虵所蟠狸鼠所遊而已尋步向東南道出望之顧余曰企唐與君在山頂時口講指畫其神情均凜覓之歸時復徑過此奇醜之樹余想崇禎帝抱恨以終精爽常存當於夜深月明時登景山最高頂獨立蒼茫俛視此小朝廷長嘯一聲以發舒其悲感也



遊戲文章

悼燕文

維鷄犬代替之年風雨輪蹄之日隱微居士致悼於覆巢之燕曰竊思烏衣公子翩躚紫塞棲息華堂信徵南北往來於江漢之間名著神州出沒隨春秋之序啄淤泥而不染志本高潔逐流水以翻飛心實恬淡疏窗斜院儼同入幕之賓挑闥牽帷竟作不速之客自吾知汝十有餘年若其歡洽親狎而自得者固難筆之於書矣孰意物多俗累橫被無辜覆亡之患出諸意外以故春殘雨浦喻泥香絕煙鎖霜林穿簾影斷睹新巢之未就遽歎亡屋顧舊壘已傾墟誰憐瓦解費經營於既往悔不當初失利益於將來愧無以補故乃深思高舉飄飄而去噫鳳凰臺上惟望瓦寺花岡黃鶴樓中但見晴川芳草紛紅亂綠駭目驚心憶昔翠竹陰裡振羽長鳴碧柳池邊臨風飛舞雕欄猶昨朱榭已非清齋寂寂空餘玳瑁之梁深院沈沈那聽呢喃之語風窗雨徑我則相思畫閣

琴樓子今已矣似覺丹誠未泯赤胆猶溫悠游梁上尙抱回天之忱躊躇心中冀彌填海之恨定知風颺日厲弱質難禁枯竭灰餘返魂無望况乎羅罟網罟何處非促生之機萑苻蒹葭注目皆傷心之地果乃風流雲散水逝煙飛追維已往曾幾何時而其淪落乃至於此傷矣王謝之清逸安在但聞曲水東山盧家之風範雖傳不過雕梁金屋際茲濁世正當回首前塵超然物外尙何戀戀爲者燕子燕子汝甯不知故不揣卑鄙之詞願爲知好之賞爰作歌而招之歌曰

物情矯矯宇宙茫茫禍生不測變實難防定天道之無常兮寧不欲其生耶抑人事之未盡兮乃竟厭其出耶何遇之不幸兮一敗而莫可挽矣殆結構之未精兮一墮而無能完矣見生命之難寄兮故決計以高飛覺居止之難覓兮故遂去而不歸若夫煙波浩雲樹婆娑問鴻濛之靜境泛滄海之仙槎凌霄有日踏水無坡旣從心欲亦免蹉跎憶塵寰兮繁華如夢赴樂土兮滄快良多設身於此寧復有他嗚呼一天星換百年幾何余不禁感慨兮欲泣愁不盡兮斯世哀哉悲哉嗚呼燕子

●新中庸

在下位不賄乎上官不得而作矣賄乎上有道不謀乎門徑不獲乎上矣謀門徑有道


不謀乎妓不獲乎門徑矣媚乎妓有道料其臉不白不獲乎妓矣白臉有道不擦乎粉不白乎臉矣

臉者天之道也媚之者人之道也媚者不謀而合不求而得目的達到大人也賄之者作官而可發財者也

運動之鑽營之狗苟之哀求之賄賂之

有弗運運之弗能弗忙也有弗鑽鑽之弗透弗忙也有弗苟苟之弗理弗忙也有弗求求之弗應弗忙也有弗賄賄之弗足弗忙也人一得之已百之人十得之已千之果能此道矣雖賤必貴雖窮必闊





瑣聞

●部令調查軍隊數目

軍界消息督軍公署頃准陸軍部咨畧謂年來國內紛爭各省區地方軍隊往往任意增減併無詳確冊籍可資稽核當此和平空氣瀰漫全球之際裁兵政策刻不容緩務希於一箇月將貴省正式及暫編各軍數目詳細調查造冊呈報以爲將來裁減時之準備等語聞古代督軍准咨後當即督飭軍務課趕速編繕以便早日咨覆云

●招開警政會議

省公署前接內務部咨開略謂警察有保護治安之責非切實辦理盡美盡善殊不足以壯觀瞻而安閭閻本部有見於是特擬於本年四月中旬在北京開一全國警政會議討論一切興革事宜以資改善務希預飭所屬先期預備議案以爲討論之資料屆時並望遴選熟悉警務人員代表列席共同討論云云聞王代省長准咨後當即轉飭

警務處知照矣

●松江林業公司開股東會議

東大灘松江林業公司創辦伊始原係農商部與本省合籌股款以故該公司股東除本省永衡官銀號外餘者多係北京要人刻聞該公司董經理爲擴充營業起見特擬於本月中旬招集股東會議討論一切進行辦法現下各股東之派遣代表來吉者已有多人云

●法校上課延期

省城各學校開學日期原均訂爲三月一日惟正式上課日期則各個不同刻下江南法政學校姚校長以開學之期已過而各科學生之來校者尙屬寥寥昨特按名通函改於三月十五以前正式上課並謂屆期倘仍延不到校即行開去學籍以示懲戒云

●電燈廠訂購鍋爐

新開門外電燈廠張經理以該廠原有鍋爐充其量僅能放此有限度之燈光倘再事增加必致供不應求於便商利民之義務殊有未盡故特於日前派該廠工程師赴津與美國機器公司訂購最新式鍋爐一架以爲擴充營業之用聞此項合同業已訂立

大約運到之期當在本年四月云


●方正旗產經租處經理易人問題

方正旗產經租處鄆經理前以事辭職經省座改委劉建章氏接充刻聞本城各旗署以方正公田原係旗族私產經理一席應揀旗族中有聞望者充之特於日前在生計會籌議對付方法結果公同具呈省署請求收回成命另委他人以維旗族生計究竟能否辦到尙待續志



增

蜀



四

中華民國十一年三月十一日出版

第二十六期

價目表

期數	每册一册	一月三册	半年十八册	全年三十六册
定價	大洋一角	大洋三角	大洋一元八角	大洋三元六角

無論省內省外定閱本報一律不取郵資惟報費須先惠交以便發報報資用郵票者八折空函定報恕不作覆。

廣告價目表

期數	頁數	全頁	半頁	半頁之半
每旬已一期	四	元	二	元
每月三期	八	元	四	元
三個月九期	二十	元	十	元
半年十八期	二十四	元	十六	元
全年三十六期	四十八	元	二十四	元

右表列廣告費按大洋核收

主編

任輯

關潤

鍾章

關巖

韓樹

梅

祖武

祖繩

武

祖武

發行

行

祖繩

武

祖武

發行所

吉林巴爾虎門觀音堂內院

印刷所

吉林商務同行印刷局

